



新編書文類聚翰墨全書卷之五

公慶壽明

啓

賀

賀宰相生日啓

張正己

五百年之名世有開合德之符八百歲以爲春願肇大年之祝  
紛寶際於大府錫備物於公朝四海傾心一詞贊喜恭惟某官  
稟天地中和之氣膺聖賢身泰之期名在圖書夙號中書之佐  
志安社稷獨成不世之功援斯民於水火塗炭之深登太平於  
禮樂文明之盛壽域亘八荒之表金城爲萬世之安乃國家卜  
世以無疆宜福祿自天之未艾慶傳衮冕封誓山河釀滄海之  
水不足以飲公之勲罄南山之竹不足以紀公之德階符同耀  
拱宸極以常尊神嶽比崇鎮坤輿而益固永隆因壽共對大休





某猥以么微叨鈞播望公孫之賓閣莫測下僚歌史克之頌  
詩第傾喜祝

又

李舜臣

柔風淡湯景蓬化日之長佳氣鬱葱兆應元精之瑞門庭萃慶  
朝野交惟恭惟某官金玉天資棟梁國器灑灑清風塵表物飄逸  
神仙中人清世英髦千萬人而傑出黑頭公輔五百歲而問生  
不差吾道之主盟抑亦生民之司命逢時而泰與物為春勲德  
而隆宗廟與同休咸精忠昭格神明所共扶持某深矣孤蹤依  
棲喜造朔風慕義欣逢弧矢之辰際覽靈臺慶奉椿松之祝其  
為欣頌曷既敷陳

又

余日華

天祐皇家時生人傑臣主協千齡之會乾坤開日月之祥垂弧  
在辰寰海文慶某夙叨庇賴尤劇忻愉持南董三瓣之香效魯  
人三壽之頌屬拘謁制阻造前榮亟布魚腹仰祝椿松之筭永

扶鴻極昭垂鐘鼎之勲

又

吳雨巖

夏至歲功鍾乾坤之正氣帝資良弼係宗社之休期尤岳混融  
風雲感會切嘗謂命世之賢其生不數行遠之時其得尤難江  
都名儒反不若平津之相漢河汾高第或不及元齡之佐唐有  
如心得孔孟之傳身居旦奭之位皇覽揆予慶豈偶而然大原  
出於天蓋有所屬共惟某官吾儒平天下之學大人格君心之  
非對萬年而敬休則歲以履豐吉驅一世而躋壽則邊以息警  
聞當弘奎之紀祥且鼎統之嘉績歡朝廷青春之好氣運延長  
望閭闔黃道之開嘉祥溱某夙叨造就俾任馳驅極深賀夏  
之私阻蓬回班之列吟成俚語愧無忝民誦山甫之詩濃熏心  
香但有后山為南豐之意

又

方烏山

夏五剛辰台三初度黃籙身到共忻周岳之生申綠野心閑四



見楚鄉之重午巖瞻未改川社采增共惟某官社稷元勳乾坤  
間氣洛都勝會人方羨君寶之年韓園晚晴猶望魏公之相祥  
開玉燕喜溢金貂眉壽純嘏錫公好聽宣猷之詔股肱良臣惟  
聖重歌歸袞之詩其屬維蘇章莫遠裝聖南國望履願祈椿筭  
之八千東閣傳衣行慶楓宸之第一

又

右揆開祥左弧紀瑞國家元氣惟壽域之同躋天地奇才况壯  
心之未老坐廟堂而出令記崧嶽之降神其久託鴻私倍增雀  
躍空峒千二百歲願祝仙風鎮蓬百方億生政須霖雨冰兢以  
獻電矚為榮

答

重承好語過念始生老去伏波尚曰是翁之嬰鑿向來幾度亦  
如見我之龍鍾釣衡叨及於餘於翰散過屢於溢美作舟作麴  
作霖雨寧有其功壽民壽國壽人材難當此意



賀樞密生日

麟紋標期馮樞紀誕明農雅志喜賡七月之韻詩難老嘉祥不  
衍千秋於莊木瑞浮粉社歡洽樵潭共惟某官妙墨蟠胸神機  
揮掌平淮馬凱俄成綠野之書遊去越一舸莫挽朱公之勇退  
天壽平格人頌嘏昌其幸挹清風忻瞻彌月輒貢微儀於潢潦  
仰祈遐福於閭陵申茲歌於竹叶左弧之志辰階慶緯行歸右  
弼之班

又

方烏山

命世真儒孟陬初度傳柑天上尚餘玉鼎香戲綵庭前新舊  
金甌之字懽騰龍尾青勳鳳池其惟某官列緯元精為儀間氣  
毫端醴郁續先師不盡之燈心事寬平得仙家難老之藥美矣  
始生之華且臨於每歲之孟春倬兩地之傲開結九天之隆春  
一堂魚木式符休運之半千萬疊鰲山續作今朝之二三五教使  
飛傳於泥詔都人競築於沙隄更化五六年始見黑頭之公輔



中書一四考好垂黃閣之聲名永伴青蘭臺量椿筭其空懷錄  
襟阻奉壽觴逢松竹之佳辰嘖翹材之舊夢吉人多士方哦周  
官極樸之詩 聖工賢臣謹上益郡松喬之頌其為喜林莫竟  
形容

宗室

賀宗室生日啓

併禮物

方鳥山

茲以六筮一德宗臣千齡初度乾坤之筭百二十又臨紀甲之  
初春秋之歲萬六千丕衍生申之慶嚴廊瑞日扶翊懽聲共惟  
某官澤在生民勳高上室隆名重望與天地以相維享德陰功  
若河沙之難算人人善頌歲歲感茲辰春兩堂中不見人間之六  
月薰風慶裏停歸天上之二台妙斡手陶永綏眉壽其受恩罔  
極威德鮮名憶上門曳裾之時不忘回首當材體樞觴之日尤  
切傾心輒以無詞將之菲物儒酸未敢若為陳鬼神之前宇度  
兼容俯鑒揚七之意有懷請祝莫竟敷陳

宗室

賀朝臣生日啓

洪大和

方鳥山

間氣偉人脩齡初度維秋云孟屬披節於金神得氣之清為立  
朝之鐵漢慶鍾擊綉喜動鳴珂共惟某官吐鳳文辭駟駟鳳來  
當家盤隱相喜氣味之猶存近代平齋羽何名節之相以幼由以  
美官而不任久於退處而愈安對呂辰永綏純嘏壽員英社重員  
公羨君實之生元老坊邊行跡繼忠宣之相某雅多願遇公席  
庇休莫課新詞仰祝松喬之壽已磨漉墨行春壽之尚之詩

宗室

賀帥府啓

繳賀詩

趙帥

方鳥山

臘紀嘉平天生耆舊丈夫桑蓬弧矢寔尼山瑞毓之年年元帥禮  
樂詩書新衡所精開之景春行湘水和溢鈞天某官望重華夷  
功在社稷贊皇官衣之告雖賦或以不忘安陽畫錦之榮為朝  
廷而強起當此松中之日親乎巖石之瞻數協義經益術三百  
六爻之筮檉騰魯頌競歌萬有千歲之詩某獻履情深樞觴路  
隔哦寶鼎現敷并鄂容之上祝衣裳歸豈城周邦之願

宗室

賀真憲使生日啓

趙帥

方鳥山



帝嘗弱而得說以輔商宗帝降神而及申用強周室凡厥中興  
之運捷生傑出之才大火既流颶涼驟而屆候長庚入夢蓬仙  
宵以呈祥振古如茲殆天所授仰景星之下燭屬誕日之載臨  
叨在庇床伏深抃賀恭惟某官文擅儒宗早登片玉  
文科素積橫金之譽言不慙而行不恥沛然所養之醇仁也  
柔而義也剛允矣兼資之美道直而婉謙尊而光大聲遠節奏  
之間至密出離鑄之外停澆激薄咸推長者之風忍垢納汙深  
得大臣之軀肅待金節榮煥綉衣親勞自於三冬略無霜霰之  
汪波之萬頃不起風波平反留獄之免民開釋弄兵之赤子豈  
若京師震恐志事理輪當今山海澄清志攬轡所務循循於  
中道不求察察之威名詠著陰功自延遐壽惟厚德則享其福  
故作善者降之祥衛武公九十五歲猶陳懿戒廣成子千二百  
歲坐進長生將欲比方實為倫等某聞四方之士蓋積有年得  
萬世之師創見今日自困墮壞之役幸披雲霧以瞻恭鴻生朝

敢陳吉語嘉賓濟二願陪鶴蓋之陰大厦沈二竊借燕巢之賀

路

賀路官生日啟

周鈞州

彭叔夏

獸歲發春履二陽拔茅之日降神維岳當八日為公之辰言萬  
物以咸新長上古而不老其惟某官忠饒而樽開白鶴威發而  
月墮於菟朔告元正責漢承之圖藉賢生間氣為周室之蕃宣  
好生推放雀之仁占愛符維能之兆滌凍塗而吹暖律開壽域  
而轉洪鈞惟一千石行春早報壽輜之吉早而五百年住世不妨  
銅狄之摩萃衆美以在茲紛多祥其為往素心馳望歲身阻稱  
觴省事而厭兩回緘書而守千里擁笈慕常叩求如愿自嘆徒勞  
對岡陵而頌魯侯惟慶善禱

又

虎符瑞節麟紱佳辰生甫及申天錫蕃宣之寄前召後社民懷  
父母之恩豈弟慈祥康寧福壽集莫致奉觴之拜敢陳獻頌之  
言廣成子一百五十五歲晉國壽考魯侯侯方有千歲今屬之公



答

于茲出牧及此始生皂蓋未愔不是昔年之太守蒼顏白髮聊  
為今日之醉翁往矣乃心以沒吾齒有若貽書之語無非過書  
之辭九五福嚮用富貴康寧願民同此一千石使无嘆息愁悵  
頌我慷慨

賀縣尹生日啟

恭審 某官南岳呈祥左弧紀瑞自東嘉而孕秀映南極以騰  
輝已開建子之辰茲實生申之日凡托受屬之庇可無善頌之  
私分且躬造於賓壻禮合少伸於賀履其為老病尚未可風  
莫違慶慶於琴堂聊寓寸片於子墨一陽來復先五日之迎長  
千歲可期以九齡而介壽

以宰官身現壽者相飛來鳥為長生自在之仙風端坐琴堂無  
事舒長之化日瑞鶴桑弧歡生花縣其幸極棠陰之餘敬致椿

年之祝方將寄百里之命父母斯民政載歌千歲之眉公侯此  
頌 答

惟初度之甫臨厚佳章之下逮官於彭澤感吾生之行休子之  
武城豈前言之戲耳良知厚意深用汗顏老无能為政恐素餐  
而尸位今願有請更祈反顧以為規



賀樞密太夫人生日啟

方鳥山

福介高年祥開初度龜齡鶴髮北堂久便於養迎象服魚軒西  
府一新於娛侍光生柳列喜溢蘭陔仰惟 國太夫人地上行

仙人間真佛一經示教蚤嚴紗幔之儀五鼎疏榮晚見衮衣之

貴富翠瑄銀鬪之候侈其封珍酪之頌庭前之萱草自春海上

之蟠桃正熟國亦華只是君是臣上曰賢哉此母此子方將錫

禁園之半以充湯沐輟天厨之品以佐肯其殿外回班百官交

賀宮中賜坐千文登觀極家國之殊休增簡冊之盛事孫子

子相輝戲綵之聯歲二年三伯見壽賜之率備九五福應八千



秋某比綴班行餘登門館塵凡一墮雖皇瞻西崑王母之游才  
思未荒猶能頌南極老人之現其為欣抃實倍楮幣

又

翻王鄉中月告授衣之吉蕊珠宮裏雲開設悅之祥泥金三帖  
又來戲綵二庭增重盛美如此不貧可乎某切庶寅恭極深申  
慶瞻陳非禮上侑芳筵愧無封蝶之花羅用獻綵鸞之仙閣  
經筵冠蓋萬倍幸榮

壽星圖

生日謝送物啓

方烏山

托切一天太守寔深於知已強顏半世小人安有於紀年勿鼓  
軍將之扣門傳道府公之賜翰華其初度錫以多儀實重蠶  
之交輝錦障春縑之相映花菓輟椒塗之賜繡脩分犀筋之珍  
拍兵厨勺蟻浮恍仙家之鹿下措大眼豈為塞破黔下定莫不  
登觀仍出隆私端為榮遠其百拜敬列三生感銘設醴酒於白

生不圖今見接泥塗之絳老惟祝公歸亟具稟聞專容謁謝

生日謝送詩詞啓

方烏山

歲舟二念將老安知初度之辰芳菲二孰華予獨何同盟之詛  
卯詞藻麗朽質光輝共惟其官標致其高才情尤富仕珠香犀  
象之國清若冰虛作韶鈞虎鳳之文爛然雲錦興言甲晚乃忝  
舊游命中牛斗之不神門外雀羅之可設遊戲三昧稍憊休之  
摧頽半生足炫耀矣第顧緼袍之陋曷勝華衮之榮某瓊報無  
繇珍藏惟謹才可作司馬長史自嘆吾衰上方召子墨客卿敢  
為公祝其為磯感未易縷陳

又

塵外花村已辱春風之一曲雲霞蓬蓬矢又墜秋月之兩章拜君  
既以何多揆余初而增感共惟某官詩書元帥翰墨宗工歷井  
捫參吟長庚之伴月斂箕挹斗笑韓子之生辰既貽一唱之三  
復度屏七言之二拊躬感際拜賜便策東政爾避喧又蒙委重自



為青城客愧擬任之未能贈我翠織成欲捲還而安敢

又 謝府判賀詩

桑梓養痾莫則者會吏之會支何翻曲俾華顏復之辰窺見一斑  
玩至三復共惟 府判仁心念舊學德鎮浮笑傲煙霞坐條炎  
洲之伴暑平章風月載賢郢路之陽春爰厚佳章以光暮景清  
輝上燭懼難藏劔於豐城劍墨已騰敬用還珠於合浦

又 謝朝士賀書

方秋崖

某端奉英題尚憐初度五年今已如此政敷孤矢之垂表道胡  
為來哉更委瓊琤之賦此皆其官交同金石誦薄雲天春入講  
臺未忘書帶之草香疑燕寢忽夢筆頭之花滋感歎於歲寒猥  
記存於生晚歌麟趾之什自慙子佩之青二得魚腹之書但感  
綈袍之盛

又

朱文公

年及無聞已負蓬弧之志日臨初度復增好爵之榮謨厚謙光

俯加音節顧茲衰朽重難散之何施仰冀無言用茲裁而為好

又

乃烏山

春堂之夫孰華絳帳之陳人句豐之來不城黃州之絕唱嗟  
我之發已如桃李之報向共惟其官質美而李儂齡弱而筆老  
王氏逸少見稱小者之佳楊家敬之鬱為馭子之秀方在絃誦  
進脩之際出為翰墨遊戲之奇度腔子於玉蕭具落念奴之調  
加禿翁以章甫恐貽幼婦之羞某空示知榮態藏惟謹我生矣  
矣寧早方母卿圓公子恕之惟調高故和寡其為感激未易名  
言

送物劄子 謝送物

送省官壽儀劄

徐意一

某共審列星應昂高嶽生申武夷僊聖之流出扶輿運道夏清  
和之氣鍾美重臣天申耆艾之休人仰經綸之業星明南極暫  
分綠野之光色正泰階即慶黃髮之拜某密依大比喜遇昌辰



言南豐一瓣之香直噴陳善頌賚閔宮三壽之語莫能實寶輒有  
彝儀具于別楮瀆犯威尊其下情不勝惶懼之至

送朝官壽儀

徐尚書

其茲雷雨祥開慶燕事紀垂弧八座望隆少豕琳宮之樂九重春  
厚即興宣室之思壽邁千齡位路兩地其莫申謁敬徒劇頌祈  
輒真菲儀添陳寶祀深知况瀆尚冀容留併巧熏仁曲垂矜監

送宗室壽儀劄

其其雷雨序半嚴秋月先幾望金莖縹緲酌瑞露之天將來玉寓虛  
明拂涼風於地籟藿騰帝里瑞瀟王門某官相公入王明府旂  
常宗祊柱石懿親明德整四海以瞻依忠言嘉謨深九重之注  
倚戴臨誕慶肆輔天禧某謏維竹符阻陪珠履丹山碧水悵無  
亦憑鳳之鞭笞已綺帶玳筵坐想魚龍之曼衍羞蓬瀛滄海汚之陋繁  
旃檀變律之分仰祝遐慶附陳善頌尚祈鈞重曲賜鑒矜

送留使壽儀劄

某不辨撓阿借有塵瀆必者共當絃斷紀瑞玉無開存九萬嶽  
嶽莫不欣慶某抄為下走託在附庸小妙長松雖隔雲泥之分  
銜花獻果未忘接鳥之情敢修菲禮之恭仰祝椿齡之永星香  
不腆詠誦匪文所恃敬恭之實敢寬唐突之誅伏乞威尊俯賜  
麾頓

送州縣官壽儀劄 投詩詞

送府尹

其茲雷雨五宜迎之夏慶秋岳之生申六矢垂門宜以立之祝壽併  
蒙所屬慶頌必馳某託李託根椿松致祝愧羌辭之匪敢仍菲  
禮以瀆尊所恃實洪不賜斥遣

又送壽詩

其恭審某官系孤紀瑞椿筭引年凡屬此存幸深欣嚮某輒忘  
狂斐少笔編摩祝衛武之期頤效奚斯之頌禱雖要束有嚴於  
庚甲而敢依實倍於尋常敢扣司籤別陳燕几凜淵冰之甚懼



凱岩電之俯加

送府判

某共審神松紀度星昂標祥每年上巳之佳辰挽先八日今歲清明之美景預借半旬歌別鷺之新功釀滿城之和氣

送縣尹

其共審花城觀政方印鳥鳥之臨松岳降神即上龜齡之祝輝生六矢喜動一同其幸叨佐理之司喜有同寅之託茲逢華日敢布并誠非禮清尊別筵申敬倘蒙塵頓豈勝欣榮于冒崇嚴仰祈矜察

送縣丞

其共審雷一同佐政欣聞律竹之吟哦六矢呈祥交上莊椿之頌待幸逢華日倍慶寶情基厚社同寅愧無美須呈香自敬清醴酒兼馳少中燕賀之儀聊實彌慶之祝瀆尊其愧須意為榮



送賀生日

茲審日逢今日天錫遐齡盤捧丹桃宴金不盡之壽酒庭森玉樹戲綵服之香風奈阻媚紛未遑燕賀薄言菲禮上祝椿年王母來時莫笑小兒之狡獪老人呈瑞宛瞻南極之長生

答

又逢初度自嘆浮生白髮蒼顏易入衰頹之景錦心綉口難勝潤色之辭且拜多儀良知厚意若為報答感今日之三春相與往來成化時之一老

送賀人父生日

尊嚴日奉福壽天頌南極星辰茂演春秋之筭東風實愛各安觀壽禮之庭歡生椿桂之間瑞紀桑蓬之始某阻奉千金之酒緬懷五綵之衣薄獻菲儀少旌芹意是父是子允為菜戲菜大年小生母曰壯言之寓

答



嚴親在上初度屆期雖八千春八千秋是子所欲然一則喜一則懼惟此為依過承軫記之塵特存厚敬之及敬其父則子悅其知老之之心酌之酒而歌不莫致區區之謝

送賀人母生日

慶溢華堂元生錦院三千桃實神仙天上之春一笑賞花子母人間之福輒持尺楮薄獻寸芹五綵班衣阻莫陪於佳會千金壽酒情遠祝於長生

荅

小人有母又當初度之辰仁者贈言且拜多儀之賜其感蘭金之契頓增流水之光再拜從容但見慈顏之喜色七葉草率不成織女之報章

賀人祖生日

祥開華旦瑞蕩重闈綵戲萊衣四世同堂之福春生蘭玉一家三代之風輒奉微儀少旌下意祖年八百更為今日之錢鏐仙

賀二千共宴當時之王母

荅

大父老人明朝初度願翁家之叔水以貽厥孫非名族之蘭芽而恭厥祖祗拜賀言之重昭承軫記之塵繞膝生歡中心懷感如云壽考敢希八百之年此語殷勤多有再三之祝

賀人祖母生日

綵庭再世錦院初辰天上桃花政待瑤池之宴人間蘭樹笑看玉砌之春富貴華堂周旋珠履復既阻修於慶賀敢薄獻於殷勤掌北之萱自佳誰如此樂澤中芹不少更寓吾私

荅

茲奉老親又逢初度陳情讀表深知祖母之恩見面開緘重辱故人之惠亟承其下拜感以有慚千歲蟠桃何敢望仙家之日月重闈萱草願相安壽域之春秋

賀人妻生日



綵悅生光闔儀慶喜東風王母笑看蟠笑之桃明月嫦娥捧獻  
長生之藥九霞春滿千歲日長人未瞻蓬閣之仙未免羨儀之  
俗饋言不腆敢陳主饋之前有壽可期更祝齊眉之樂

荅

又值家人始懸明悅一貧自笑方幸按以齊眉尺素遠來忽開  
緘而見面過云為賀得非所蒙既益美以長生日相期其偕老  
平生荆布已知百念之灰何處桃花乃有三千之笑受言惟感  
布謝不恭

綵悅生光

慶六十

星明南極佛現西天六十曰耆杖於鄉養於國五福曰壽聞其  
語見其人矍鑠是翁老成前輩珠履眼前之賓客綠衣膝下之  
兒孫公敬奉先生軒為後賓薄獻片誠之不腆聊寓心秋試看  
花甲之繼周又從頤數

荅

揆初度之庚寅桑弧有負數行年之甲子花曆又周歲皇二其  
何之老世二兮既極乃序記存於誕日特承過許以高年四十  
五十而無聞空嗟去路三千大千之未了姑付浮漚

慶七十

案及高年慶逢華日自今以往當成涓坐一名從古所稀好賦  
曲江之句耆賢會集壽域優游某敢獻此芹俾甚且而文倘一經  
於秋察宜倍真於春榮不踰矩而心從其時可矣以尚書而口  
授予日望之

荅

絳人原以皇覽揆初自撫五年尚有對酒典衣之日太平此際  
得為衣帛食肉之民不圖遄暮之期甚厚眷隆之寵四十之前  
三十尚不如人百千之後萬千又焉用此

慶八十



六蓬瑞日八麥華年四叟橋中山不減商山之樂太公車後載  
豈終渭水之淹儀刑里閭迺且賓客頭永延於鶴筭敢薄獻於  
蟻誠春秋之歲八千總是一百分之一洪範之福九五更兼朋壽  
之三 谷

惟百年之幾日抚平生而八旬猶比老彭聞一敢期於知十維  
師尚父曆數但見其無多揆予初生迫人又甚乃上屢於遠念  
而下致於過情有是似之所愧非倫之擬耄矣无能為矣  
尚徵善頌之祭

慶九十

人間上壽天下達尊武公卿士之賢抑詩自警伏生老儒之重  
經訓口傳華白天開老人星現公欲奉椿年之祝不慙片意之  
微我百子二記禮之言持雙詢奇及偶河客之說先窮蒼髮惟  
深頌言則淺

谷

耄矣老夫揆予初度餘生九十適當未過之時殘喘幾何止是  
苟延之日雖祝之而無益方視此以如遺假以始生屢於遠念  
生年不滿百自知為數之奇無病其庶幾尚博長窮之健

謝官負送壽儀劄

送壽詞

謝官負送壽儀劄

某祗奉終顏屬臨初度祿班二金粗供叔水之權志謝四方甚  
愧桑蓬之設敢期隆眷待有匪頌蜜炬宝重爛芳馨之下映色  
絲雜俎粲珍麗之前陳達尊無可卻之文少賤有難辭之義越  
庭亟直拜下有嚴

又

某依陰擬於一廡再臨初度誦羨我而三嘆方切永懷伏拜寵  
緘昭垂眷顧後厚頒於列戟頓增耀於衡茅弟推行役之匆匆  
何暇禮文之秩秩恐妨嚴命已拜牲醪重定之嘉容造鈐齋敬  
控銘篆棟漸之謝申谷厓率仰冀鑒融



謝魏帥

謝魏帥鶴山

梅亭

久生不學寒蒲柳以先零初度無能困樵蘇之後襲過厚兩章  
之秋月見期千載之春風留歸厭於漁舟難捲還於鯨錦其惟  
其官拍有諸老畜眼一人天不祿民將謀及詩書之帥人能揀  
道恐宜條理之科閱六十服戎之夫窘千里餽糧之役我辰安  
在敢祈牛斗之能神天子言之或免曠齒之俱腐云云先生與  
之言則對參乎奚避席之疑小子何吳學乎詩武也藟草之受

謝劉帥

絳縣老人之生甲擁翠節以知慙黃絹幼婦之受辛感碧幢之  
委重愧踰垣之莫避且返璧之未能共惟某官惟惺近臣詩書  
元帥怜生我勞瘁之日有愴高裁歌俾爾者其文之詩使堅松花  
第以春天之樽酒副之秋月之兩章始念有翔翹棠之陰曷稱  
飛芻刻楮之役某平頭六十閱慮方千思玉局老之卷生女得  
還鄉而騎鶴從金華仙而學道成夢叱石以為羊

謝軍官惠詞

黃澣

某伏以太守醉翁之郡適值初生將軍壯士之歌特貽佳曲遠  
襲風雅校高之誦翻作月明水調之聲秋澆過清棟斷流汗恭  
惟某官賦詩橫槊雅唱投壘變文即正之貫珠音遺周雅矯又  
虎臣之獻賦壽頌曾肩蔚為六蓬紀日之華喜奏一笛吹秋之  
唱其厚稱寶學且聽瑰詞已聞西河善謳之音有華誕日願符  
南極老人之祝長對將星銘激惟深控敷則淺

夫人

謝李賊五十七歲

生我劬勞曾莫報昊天之恩俾尔昌熾匪敢當泮水之詩有勤  
黃絹之詞但重朱紘之嘆其惟某人文如翻水忠若涌泉矜白  
傳五十七之齡已遲場註比絳人三分一之數大以癸年贈以  
微言寵其初度某不知於賀截去為榮愛之欲其生信有加於  
布帛施不求其報愧莫辨於瓊瑤

又二十四人獻詩



香山五十七歲嘆歸計之已遲凌烟二十四賢忘歌詩之不類  
揆余初度懷我好音伏惟某人氣應歲躔才堪則省比周家八  
士之數價言倍三較魯頌四篇之文數幾用六冠以饗堂之序  
寵茲鯉饋之辰小人不知紀年自甘雌甲君子善為頌禱設擬  
長庚列誓編鍾春金撼玉某自慙一喙莫辨七襄孰教子產吾  
其吉之幸可免輿人之誦守得陽公民又賢也所希為同業之名

謝士友

牟子才

某伏以梅聖俞年踰五十方吟漢老之詩曹僖公歲方有千敢  
辱俾昌之頌自顧蹉跎之賤迹難當披拂之歡音共惟某人思  
若涌泉文如翻水數弄明月不孤螺浦之爽靈吟詠春風樂止  
為洲之道義曲致絳縣老人之祝特貽黃翁幼婦之詞壽考不  
忘遲暮增貴某自甘雌甲難問長庚月浦扁舟已作苕濱采美  
密之計天於散木當求漆園壽椿樗櫟之心不成報章怕傾感臆

又五十七歲

誦白傅五十七之詩已遲歸計厚曾侯乃有千之頌俾試壽晉  
過厚所蒙願切有復其推某人瑰詞發藻瓊翰嘔枯贈汝好詞  
磨方乘逢之志揆余初度堅凝松柏之心得非愛之欲其生所  
謂交以久其道其自於卑獨倍感劬勞維摩想日邊之朝難陪  
雅申謫仙尋夜郎之夢且伴長庚

又五十一歲

生我劬勞旣六弧而增感俾尔耆艾捧車壁以知慚其推某人  
德嘯枯高詞發藻五十一之年過一應於坡老之衰二萬之日  
无多欲擬茶山之老華其純白飾以青黃人情欲壽欲安知所  
蒙矣君子善頌善禱何以報之

又

蒲柳之姿適當初度松筠之頌何以敢承其推某人筆陣有神  
青囊无底風雲月露形為芭絲一好詞瓊瑗致瑤琚似匪不桃之  
可報永以為好意不盡情欲謝之私頌向以旣



謝道士

謝道士

勞我以生能與覓之除滌游方之外笑老子之婆娑佳句惠然私情愧甚其推某人歡弄明月誦頌飛霞指石鼎於爐中便成聯句用榴皮於壁上豈不中書見昇名章有光初度其偶老一念獻笑諸公飲馬塵蛟望嶙嶸而勿迫踞龜食蛤与汗湯以相期

謝情

泥泥帶水若為還我之未生賞月吟風更愧情人之相訪其推其師句中有眼筆下无痕應怜生胡認本來之面目雖脫死籍當自揣於頭顱特賜以言足華其老某似情有髮在俗得裨庵外松枝竟歲之難數庭前柏梅或祖意之少分

父母生日謝人

劉後村

累世通家晚竊左符之庇小人有母適當初度之辰既拜驪珠又雁熊戲共推不擅風騷治先教化謂錫類乃邦君之盛幸而榮親亦人子之至情竹裏行厨非兒童之慣見花開豈由錢士

女之親傳某方遵慈訓共歸綿上之嘔弟愧俚音莫和郢中之唱

妻生日謝人壽詩

其不不糟糠值此五得之日何量翰墨輝然黼黻之詞調固仰於脉脉向歎已漸於不類同我婦而鑑南外但切懷歸跋彼女之織七襄竟成陞報

子生日謝人壽詩

祇領華絨載闕鳳鸞之珍染紛來瑰肌有光豚犬之初躔歎盛意之特降言言敬敬之宜稱念方方机机敢不拜嘉嘉萬小集於書堂阻即越於窻無二台在望既獲依南極老人之輝四座環觀又可說東閣郎君之賜

不受

不受壽儀

某啟伏以監州老貧外方哦六丁頭如雪之詩依縣好官負特致八千歲為秋之祝勤渠如許感作謂何共推某官官紘直鏡明



筆精墨妙具於離甲正餐秋菊之落英寵異雄章見謂春華之  
豔藻公則以文為戲僕也何德以當若蠅蚋之晶明与冰沉之  
覆郁实雍下拜非敢不恭惟歌律尔詩之詞且認愛以德之意  
不獨祝衰齡於耆賢文抑將進肥德於粹精薄言占謝切巧照原

不受詩詞

某竊常名山四逢初度懇祈魏闕七控沈詞願未遂於歸休敢  
自皇於藻繪佳篇寵贈厚意難任白髮欺人公念道不饒於衰晚  
竊念還客此心始齋於和平但有感於高情必無忘於永好其  
為敬佩曷既名言尚巧務慈曲垂休有

又


某老拙无堪叨勞莫報方切羨我之感敢言逢天之期過厚謙  
搗龍貽佳什例非敢受卻為不恭已令筆錄報以來惠回納功

幸台察

事文類聚翰墨全書丙集卷之五









丙集三終